

欽定大清會典事例

欽定大清會典事例卷四百八十七

禮部

喪禮

孝穆成皇后大喪儀

孝穆成皇后大喪儀○嘉慶十三年正月二十一日

孝穆成皇后崩時在福晉位奉移於王佐卹

暫安園寢○二十五年九月追封為

孝穆皇后○十月十七日奏准

孝穆皇后暫安園寢一切規制儀文均未周備所有四

時忌辰大祭及朔望小祭並無例案可循請照

嘉慶五年

孝淑皇后三周年後殯宮致祭之例。每祭用飯卓一張。大果卓一張。羊一。讀文致祭。清明供佛花一座。除夕陳楮帛二萬。楮錠二萬。同寶花焚化。每月朔望供飯卓一張。常行果卓一張。羊一。凡遇慶典。行告祭禮。均照此例舉行。大祭日。承祭官由部奏派。朔望致祭。由內務府辦理。應行豫備茶飯人等及守護官兵看守門戶太監等。由各該處照嘉慶五年

孝淑皇后殯宮之例辦理。祭文由翰林院撰擬。卓張羊隻楮錠佛花等項。由該衙門備辦。○道光元年

三月清明

暫安園寢遣

皇長子致祭行禮。○六月初八日巳時供奉

饗殿神牌書寫埽青。派滿漢大學士各一員於

神牌前朝服上香。行三跪九叩禮。敬視書寫埽青畢。復

行三跪九叩禮。○十二日辰時。

宣宗成皇帝閣視

孝穆皇后

冊

寶。內務府豫設

御座於

太和門正中。工部設黃案二。於

御座稍前。

冊案在左。

寶案在右。設綵亭二。於

太和門階下正中。

冊亭在前。

寶亭在後。正副使及執事官俱常服。於階下左旁排立。

禮部堂官二員。豫奉絹

冊絹

寶連箱奉安於各綵亭內內閣大學士二員奉香

冊香

寶安供於各案上各行一跪三叩禮退立於階下屆時  
宣宗成皇帝御素服乘輿出宮前引大臣恭導至

太和門升

御座閱視畢禮部堂官引正副使由東階升詣

冊

寶案前行一跪三叩禮興正使奉

冊副使奉

寶由中階降設綵亭內行一跪三叩禮興禮部堂官奏

禮成。

宣宗成皇帝還宮。校尉昇亭。

冊前

寶後。導以黃蓋一柄。

御仗二對。禮部堂官前引。由中路。正副使執事各官隨行。內大臣侍衛於

午門內金水橋兩旁。王以下。入八分公以上。於熙和門外兩旁。俟

冊

寶亭至。跪候過興隨行。未入八分公及民公侯伯以下

滿漢文武大臣四品官以上於

西華門外按翼排立。綵亭至跪候過興皆退。前引官止。正副使及執事各官乘馬依次隨行。無執事之民公侯伯以下。滿漢文武大臣四品官以上。豫往王佐邨祇候行禮。綵亭出阜城門昇亭。校尉按班更換。至王佐邨。豫往各官跪迎。候過興隨行。綵亭至。

### 暫安園寢大宮門外

御仗黃蓋綵亭止。隨行各官皆止。正副使及禮部堂官詣亭前。各行一跪三叩禮。恭奉香絹。

冊

寶由中路進至恭製

神牌處暫奉安於兩旁黃案上復行一跪三叩禮退○

十三日卯時行

冊諡禮正副使行禮執事各官俱蟒袍補服內務府官

供祭品陳帛爵點香燭設

冊

寶案於

饗殿正中

冊左

寶右設香案於左右案稍前正中又設祝案於左又設

案一於左近檻並詣恭製

神牌處行三叩禮恭請

孝穆皇后神牌奉安於

饗殿正中寶座上。行三叩禮退。禮部堂官奉絹

冊絹

寶。至殿檐下授內官奉安各案。讀祝官豫奉祝文。授內

官奉安祝案。正副使恭奉香

冊香

寶。至殿檻內。供設於左旁近檻案。各行一跪三叩禮。正

副使詣香案前立。贊引官於檐下贊上香。正副使上香。偕副使少退立。贊宣。

冊內官奉絹

冊授宣

冊官宣

冊官立於檻外之東。北面宣訖。仍授內官復於案。贊宣寶內官奉絹。

寶授宣

寶官宣

寶官立於檻外之西。宣如前儀。正使奉香。

冊副使奉香

寶授內官陳設於左右案上。正副使行一跪三叩禮。由左門出。贊引官二員引承祭官詣拜位立。鴻臚寺官引行禮。各官咸就位立。承祭官上香奠帛。讀祝三獻行禮如儀。衆隨行禮畢。內官奉絹。

冊絹

寶帛匣祝版。授執事官送燎所。內務府官恭請神牌奉安於

寢室正中。內官奉香

冊香

寶。供奉於兩旁。禮成各退。翼日。頒

詔布告天下。○九月二十五日午時。工部在

奉先殿神庫。敬製

孝穆皇后升祔

奉先殿神牌。禮工二部堂官上香行禮。○十一月初四

日巳時

升祔

奉先殿神牌書寫埽青。禮工二部堂官各一員朝服詣  
神牌前行三跪九叩禮。敬視書寫埽青訖。復行三跪九

叩禮。禮部堂官恭奉

神牌安置於

神庫正中黃案上行一跪三叩禮退。○是日派王貝勒等一員恭奉

神牌敬題

神主工部豫設題

主黃案一於

神牌案左設黃緞枕褥禮部堂官恭奉

神牌安奉於題

主案倚供黃褥枕上行一跪三叩禮興派出題

主之滿漢大學士二人朝服詣

神牌案前行一跪三叩禮興敬謹於滿漢

神字空處用石青填點畢復行一跪三叩禮退禮部堂

官恭奉

神牌於正中案上行一跪三叩禮退○六年

諭道光七年九月十三日奉移孝穆皇后梓宮二十二

日行奉安禮著派英和汪廷珍禧恩穆彰阿阿爾邦

阿專司其事所有應行一切事宜著該各衙門先行

詳查妥辦○又奏准

孝穆皇后暫安園寢供奉

神牌前經奏准於道光七年五月十五日前期擇吉奉

移

神牌於前殿西次間搭蓋

黃幄暫行供奉俟將前殿原設

神龕寶座請至東次間安放訖再行恭請

神牌於東次間敬謹供奉等因在案今

暫安園寢奉移

神牌應交欽天監於明年清明致祭後擇吉恭請

神牌於西次間暫行供奉遣官行祇告禮禮部堂官上

香行禮派出恭奉

神牌之員恭奉

神牌奉安畢。派出恭奉

冊

寶大臣安設

冊

寶於

神牌前兩旁。禮部堂官復上香行禮如初。俟將原設之

神龕寶座於前殿東次間安放訖。擇吉。禮部堂官於

神牌前上香行禮。原派出恭奉

神牌之員恭奉

神牌於東次間敬謹恭奉。原派出恭奉

冊

寶大臣恭奉

冊

寶於

神牌前兩旁安設。遣官行祇告禮。再恭查

各陵奉移

神牌。承祭執事各官俱係朝服將事。今

暫安園寢。一切規制儀文。均未周備。此次奉移

神牌。應請悉照

冊諭

孝穆皇后之例辦理。所有承祭執事各官穿蟒袍補服。

嗣據欽天監奏准於七年三月十三日奉移

神牌於西次間吉。三月二十二日奉移

神牌於東次間吉。○七年

諭五月初十日破土。前期告祭。並梓宮升入前殿行暫

安禮致祭。阿哥均穿青長袍褂帽綴纓。內庭主位福

晉等不必齊集。○五月十五日辰時

梓宮升入前殿。黎明儀仗全設。應行齊集人員於大門

外祇俟屆時

皇子青長袍褂冠綴纓恭詣

梓宮前跪祭酒三爵。每祭行一叩禮。執事人員均藍袍。  
青褂。隨行禮。焚化楮錢。

皇子豫詣前殿祇俟。

梓宮升夾槓。校尉舁行。由後隔扇入。

梓宮進前殿時。

皇子跪迎於左。候過興。暫退出大門外。

梓宮升入前殿。正中南嚮。所司設幃幔五。供寶牀八字。  
牆陳。

冊

寶於

梓宮兩旁。奉安畢。內務府大臣率內監恭奉

冠服篚設於供牀上。工部設幕於門內之左。置奠几。陳

燎牀於燎所。具楮幣。設祭文案於殿檐下稍東。

恭理大臣內務府大臣等率所司陳果筵於門

外左右。置羊酒於幕內。讀祝官奉祭文。禮部堂

官二員導引。由中門入。設於案出。王以下。八分

公以上。在大門外月臺上。按翼排立。大學士內

大臣侍衛等在大門外月臺下排立。公侯伯以

下大臣官員在大門外東西兩配房前排立。均

藍袍青褂。祇俟。屆時

皇子由左門入。登左階。至殿外東旁立。舉哀。衆隨舉哀。內監獻茶。進膳畢。執事官進奠几。讀祝官奉祭文。於檻外正中嚮上跪。禮部堂官二員。跪於兩旁。恭展祭文。

皇子詣奠案前跪。衆隨跪止哀。讀文畢。復舉哀。內務府官跪進爵。

皇子奠酒三爵。每奠行一叩禮。衆隨叩止哀。興。徹奠几。

皇子退立於左。讀祝官恭請祭文。禮部堂官二員前導。送至燎所。內務府大臣率內監恭奉。

冠服篚由中門出。首領太監前引。

皇子跪候過興隨行。至燎所安祭文。

冠服篚於燎牀上。

皇子跪衆隨跪舉哀。內務府官跪進爵。

皇子奠酒三爵。每奠行一叩禮。衆隨行禮。止哀興。禮畢各退。○自五月二十四日起。漆飾。

梓宮四十七次。○又

諭本年九月。孝穆皇后梓宮奉安地宮。福晉命婦及姻戚女眷。俱著毋庸奏派前往。○九月初十日。以十三

日

梓宮奉移遣官告祭

天

地

太廟後殿

社稷

奉先殿○十一日行祖奠禮陳羊酒饌筵楮幣讀文致

祭如儀○十三日卯時

梓宮由王佐邨奉移

寶華峪沿途分為六宿第七日至

寶華峪每宿工部搭蓋

虛殿儀仗全設。執駕校尉騎馬。屆時

皇子奠酒三爵。每奠行一叩禮。焚化楮錢。近支王公等並姻戚人員。在大門外齊集。和碩親王以下。入八分公以上。並往送之。大學士內大臣侍衛。在大門外兩旁齊集。未入八分公等。民公侯伯頭品以下。四品以上。聞散宗室。並無執事之內務府官員等。在大門外兩旁前排班齊集。其不往送之民公侯伯以下。有頂戴官員以上。聞散覺羅。並內務府拜唐阿護軍等。在第二班寬敞處排班齊集。奉移奠酒時。衆皆隨行禮候。

梓宮請出時俱跪舉哀候過

梓宮升大架時

皇子東旁北嚮跪禮部堂官奠酒三爵每奠行一叩禮興

梓宮啟行不往送之大臣官員及內務府拜唐阿太監等俱在本處跪候過在後隨行至將近二班處由別路先往至二班大臣官員齊集之處按翼排跪候

梓宮過時各散送往之諸王大臣官員等俱跪候過隨行至二班騎馬在帶班侍衛後行走每班派出

太監六名更換在

梓宮兩旁近處步下隨行

皇子豫往

蘆殿祇候姻戚人員並派出近前之王公大臣總管太監等在

梓宮兩旁騎馬隨行恭理奉移事務大臣禮工二部內務府鑾儀衛大臣亦在

梓宮兩旁騎馬巡查照看行走每換班時下馬照看

皇子並隨行之王大臣官員太監俱下馬跪候換班畢起行時仍上馬行走

梓宮後。執豹尾槍人員行走。次帶班侍衛行走。又次王公大臣官員行走。

冊

寶奉安於鳳輿內。至宿處奉出。設於

梓宮旁卓案上。沿途揚撒楮錢。門橋奠酒三爵。焚化楮錢。至

蘆殿相近之末班。諸王大臣官員豫從別路先往。至後門外。隨同

皇子按翼排立。

梓宮至。跪接舉哀。

梓宮至

蘆殿內

皇子隨入至

蘆殿前。諸王大臣官員從黃布城。西旁牆外。繞至大門。前按翼排立。執儀仗校尉等下馬。安設兩旁。

梓宮至。跪接舉哀候過。

梓宮連大架奉安於

蘆殿內正中。太監等然點香鐙。供獻果卓。

皇子奠酒三爵。每奠行一叩禮。衆隨行禮。哀止。興徹饌。衆皆散。徹儀仗。太監生更守衛如儀。○每

宿。

蘆殿內豫備激桶。周圍安設水缸。滿盛清水。其黃布城  
正門。交領侍衛內大臣散秩大臣侍衛等看守。  
內門。令太監看守。後門。令內務府護軍統領護  
軍參領等看守。網城周圍。交八旗前鋒統領護  
軍統領護軍參領驍騎校參領護軍兵丁等看  
守。至守衛。

陵寢正門侍衛等。交領侍衛內大臣照例選派外。其安  
設堆撥之處。交與前鋒統領護軍統領等照例  
辦理。并請

梓宮夫役每宿分為三十班。自王佐邨奉移頭班至陵寢末班用校尉。餘俱民夫。每班多備四名。輪流替換。再派校尉四十名。俱穿駕衣。每班四名。在

梓宮大架兩旁步行。僮遇夫役內有力不勝者。即行更換。其三十六名。令其騎馬。在儀仗兩旁行走。豫備更換。每班照管官四員。每班鑿儀衛官四員。指示更換。搭綵頭目八人。分為兩班。輪擊響尺。每日清晨。陳設儀仗。衆照常齊集。豫奉

冊

寶安於鳳輿內。奉移啟行時。

皇子奠酒。行三叩禮。衆隨叩。焚楮錢。俱排跪舉哀。候過步隨。至換班畢。仍騎馬行走。沿途三十里。內地方文武官員。在道右百步外跪迎。候過隨至宿處。在黃布城外叩謁。行三跪九叩禮。供獻時。文官在正藍旗之末。武官在鑲藍旗之末。排立隨行禮畢。舉哀。每程齊集行禮。暨行走次序。俱照前儀。○十四日。

梓宮至太平營。照常陳設供獻。內務府豫設御座於

蘆殿內西嚮。置奠几。

宣宗成皇帝御青褂至

蘆殿降輿

皇子跪迎於左

宣宗成皇帝升座。首領太監跪進爵。

宣宗成皇帝執爵三奠。

皇子跪於

御座左後。每奠行一叩禮。舉哀。衆俱隨叩。奠畢止哀興。

宣宗成皇帝乘輿還宮。禮部內務府大臣恭奉

冊

寶奉安於鳳輿內。

皇子詣

梓宮前奠酒三爵。每奠行一叩禮。衆隨行禮畢。校尉民夫昇請

梓宮啟行。○十七日。

神牌自王佐邨啟行。清晨內務府官供祭品。陳帛爵。點香燭。設香案於正中。設祝案於左。鑿儀衛官陳鳳輿於丹墀正中。

御仗黃蓋全設。承祭執事各官俱穿蟒袍補服。祇俟屆時。太常寺典儀贊引各官。引承祭官行祇告禮。讀祝三獻。如奉移。

神牌告祭儀禮畢禮部堂官詣香案前上香退至門外  
行三跪九叩禮派出恭奉

神牌之員詣

神牌前行一跪三叩禮興恭奉

神牌由殿門出奉安於鳳輿內復行一跪三叩禮退出

大門外恭俟鑾儀衛官率校尉恭昇鳳輿行前  
引

御仗二對黃蓋一柄侍衛四人內務府司官內管  
領各四人前引內務府大臣一人護軍統領一  
人護軍參領二人率護軍十人執豹尾槍十人

佩儀刀以從內監四人在

神牌鳳輿兩旁輪班隨行

神輿由中門出奉

神牌官跪候過隨行

神輿出大門外所有前引後扈以及執事各官均更換

行衣乘馬依次行走

神輿至宿次供奉於綵棚內正中

工部奏准設  
蘆殿為綵棚安奉處

前設供案香案執事官陳果實十二盤供酒三

爵行夕奠禮奉

神牌官詣香案前跪三上香畢退至綵棚外行三跪九

叩禮退。行禮時不贊。隨從各官俱不隨行禮。○  
次日早行朝奠禮。

神牌鳳輿自綵棚出奉

神牌官跪候過輿隨行。沿途三十里以內守土官朝服  
跪迎道右。至宿次詣綵棚前叩謁。行三跪九叩  
禮。在途每日行禮儀同。○沿途分為五站。

神輿於二十二日辰刻自第五宿綵棚啟行至  
陵奉

神牌官行朝奠禮如前儀。奠畢校尉并輿出次奉  
神牌官俟

神輿出跪候過興隨行

皇子率領

陵寢大臣執事陪祀各官俱朝服豫詣

饗殿大門外道右恭俟

神輿至跪迎候過興

神輿由中門入至丹陛上止校尉各退贊引官引

皇子詣

神輿前行一跪三叩禮恭奉

神牌由中門入奉安正中

寶座上復行一跪三叩禮興退俟陳設畢行大饗禮執

事人等遵

旨用讀祝贊禮等官俱隨行禮禮畢

皇子由右門出內監行三叩禮恭請

神牌安奉暖閣

神龕寶座上。行三叩禮退。此後四時大祭。忌辰致祭。每月朔望小祭。十月朔以及元旦慶典一切祭祀。禮儀並承祭執事官員暨翰林院撰擬成式祝文均交

陵寢大臣循照舊例敬謹遵行。○又

諭。神牌沿途朝夕奠著行衣行禮。○十九日。以二十二

日

梓宮奉安

地宮遣官告祭

天

地

太廟後殿

奉先殿

社稷。二十日。行饗奠禮。清晨。內務府大臣率內監等

恭奉

冠服篚設於供牀。工部設幕於門內之左。置奠几。陳燎

牀於燎所。具楮幣。設祭文案於殿檐下稍東。鑿儀衛官校陳儀仗。恭理大臣內務府總管率執事官陳果筵於

几筵前。列饌筵於門外左右。置羊酒於幕內。讀祝官恭奉祭文。禮部堂官二員導引。由中門入。設於案出。王以下。入八分公以上。及在

陵貝子等在大門外月臺上。按翼排立。大學士內大臣姻戚人員侍衛等。在月臺下排立。公侯伯以下大臣官員。在東西兩配房排立。均藍袍青褂。在陵居住之貝子等夫人。大臣官員命婦婦人等。在大門

內西牆角排立屆時

皇子青長袍掛冠綴纓由右門入登右階至殿外  
東旁立舉哀衆隨舉哀其獻茶進膳讀文奠酒  
行禮送燎儀均與祖奠同

冠服篚由中門出首領太監前引

皇子跪候過興隨行齊集之夫人命婦等皆於原  
排立處跪候過興退安祭文

冠服篚於燎牀上

皇子跪衆隨跪舉哀內務府官跪進爵

皇子奠酒三爵每奠行一叩禮衆隨行禮止哀興

禮畢各退。所有行軍鳳輿、鞏轡、車幃等項俱同  
楮張焚化。車放於空處。任其朽爛。儀仗留俟奉  
安日祭後焚化。○二十一日行遷奠禮奉移。

梓宮於

蘆殿正中北嚮。

宣宗成皇帝恭謁

昭西陵

孝陵

孝東陵

景陵

裕陵禮畢。至更衣幄次。更常服。乘輿詣

寶華峪。由中門入。至正殿。少憩。更青褂。乘輿至方

城前階。上降輿。

皇子跪迎。

宣宗成皇帝至。

蘆殿內西北東嚮坐。首領太監跪進爵。

宣宗成皇帝執爵三奠。

皇子跪於

御座後。每奠行一叩禮。舉哀。衆俱隨叩。奠畢止哀興。

宣宗成皇帝乘輿還行宮。○二十二日。

梓宮至

陵在

陵貝子大臣官員等俱在興龍口外跪迎。俟

梓宮至舉哀。候過在後隨行。

梓宮行近大紅門外。

皇子並諸王大臣官員豫先下馬。按翼排立。鑾儀

衛大臣率校尉恭請

靈輿北嚮暫停。

皇子於道旁遙嚮

昭西陵

孝陵

孝東陵

景陵

裕陵恭代行三跪九叩禮畢。

靈輿啟行。

皇子及王公百官等照舊按班隨行。

靈輿進柵欄時。

皇子先恭俟於門外之左跪迎。候過輿親引。

靈輿上

神路至三孔橋時。

皇子仍先跪迎候

靈輿至。親引至三孔橋。換小舉處。跪候。換畢。輿在後隨行。校尉恭請。

梓宮由中門入。

皇子立殿檐東。恭理大臣等率官校入。暫安梓宮於正殿中。所司設幃幔五供。卓牀八字牆。陳

冊

寶於兩旁。奉安畢。供果筵。

皇子詣奠位。跪舉哀。奠酒三爵。行三叩禮。衆皆舉哀。隨叩禮畢。各退。○是日。

梓宮奉安

地宮工部豫建

蘆殿於方城門外。設龍輜於

蘆殿正中。方城地面窄狹。接造平臺。前搭餞橋。

陵寢門外亦搭餞橋入。

地宮隧道自方城門至

寶牀前。俱合龍輜輪轂。鋪墊木板。成造木軌。

寶牀前亦造木牀。高同龍輜。各執事咸備。內外齊集。如

初。執事官恭奉

梓宮龍輜循隧道木軌入

地宮。太監執鐙前導。

皇子青長袍褂冠緞纓於左旁恭引。應行執事大臣隨入。敬視奉安。

梓宮於

寶牀上奉

冊

寶大臣恭奉

冊

寶分陳石几上。執事者以龍輔木軌出。恭理大臣恭請宣宗成皇帝臨視賜奠畢。

皇子詣祭臺前行告成禮奠酒三爵每奠行一叩  
禮衆隨行禮舉哀禮畢各退○十年閏四月二  
十四日

諭朕御極之初因孝穆皇后安厝王佐邨已閱十年即  
欲就該處形勢改建萬年吉地特派戴均元等帶領  
熟諳堪輿之人前往相度旋據覆奏王佐邨丈尺規  
模不符定制地亦未臻全美仍請另擇吉壤以昭慎  
重嗣經戴均元等勘定寶華峪開工營建地勢既非  
美善工程又不堅固以致孝穆皇后梓宮安奉未久  
金券內即有山泉浸溢之事現暫移安奉饗殿飭諭

臣工另行相度。而事越兩年。仍未得有佳壤。豈容再事遷延。朕思事權歸一。斯責無旁貸。所有相度之事。著責成禧恩。耆英。那彥成三人。共同經理。即帶諳習堪輿者。逐細履勘。悉心商酌。一經得有福基。會同勘明具奏。○十一年二月二十二日

諭禧恩等於

西陵紅椿界內。選勘萬年吉地。朕本日親臨閱看。形勢甚合朕意。著名為龍泉峪。將來建立規模。因地制宜。一切俱從簡約。以副朕之素志。著派尚書穆彰阿侍郎敬徵寶興阿爾邦阿敬謹辦理。於今歲諏吉開工。

○十五年七月初五日

諭嗣後題奏事件於寶華峪字樣毋庸擡寫○八月十七日○以十九日奉移

梓宮於

龍泉峪遣官告祭

天

地

太廟後殿

奉先殿

社稷○十九日遣官告祭

昭西陵

孝陵

孝東陵

景陵

裕陵

孝穆皇后梓宮前。○是日行祖奠禮。陳羊酒饌筵楮幣如數。派出近前之王公大臣恭理奉移事務。王大臣禮部工部內務府鑾儀衛大臣及在

陵之貝子大臣官員並

陵寢居住之貝子夫人大臣官員命婦婦人等均齊集

祇俟屆時遣官穿藍袍青褂冠緞纓由右門入  
登右階至殿外東旁立舉哀衆隨舉哀內監獻  
茶進膳畢執事官進奠几讀祝官奉祭文於檻  
外正中北面嚮上跪禮部堂官跪展祭文遣官  
詣奠案前跪衆隨跪止哀讀文畢復舉哀內務  
府官跪進爵遣官奠酒三爵每奠行一叩禮衆  
隨叩止哀興徹奠几遣官退立於左讀祝官恭  
請祭文禮部堂官二員前導送至燎所內務府  
大臣率內監恭奉

冠服篚由中門出首領內監前引遣官跪候過興隨行

至燎所安祭文

冠服篚於燎牀上。遣官跪衆隨跪舉哀。遣官奠酒三爵。每奠行一叩禮。衆隨行禮止哀興退。工部官豫將清明所供寶花一座。請至楮堆前。屆時一同焚化。衆俱退。徹儀仗。○二十日早。工部豫備一百二十八人大架於寶華峪宮門外。執駕校尉俱令騎馬。屆時進小架搭綵頭目校尉等俱穿駕衣。昇請

梓宮出。升大架奉移時。遣官奠酒三爵。每奠行一叩禮。焚化楮錢。應齊集人員俱隨行禮。

梓宮出齊集者俱跪舉哀。俟升大架禮部堂官祭酒三爵。每祭行一叩禮興。喇嘛於兩旁行走。齊集人員俱在本處跪候。

梓宮過興隨行至將近二班處由別路先往跪候。

梓宮過時各散。執事大臣官員等跪候過。在後隨行至二班騎馬在帶班侍衛後行走。每班派出太監六名更換在。

梓宮兩旁近處步下隨行。姻戚人員派出近前之王公大臣總管太監等在。

梓宮兩旁騎馬隨行。恭理奉移事務王大臣禮部工部

內務府鑾儀衛大臣亦在

梓宮兩旁騎馬行走。每換班時下馬照看。隨行之王大臣官員太監俱下馬跪候換班畢仍上馬行走。梓宮後執豹尾槍人員行走。次帶班侍衛行走。又次王公大臣官員行走。

冊

寶奉安鳳輿內至宿處奉出。設於

梓宮旁卓案上。沿途揚撤楮錢。門橋奠酒。焚化楮錢。至蘆殿相近之末班。諸王大臣官員豫從別路先往。至後門外排立候。

梓宮至。跪接舉哀。

梓宮進

蘆殿內。諸王大臣官員。從黃布城兩旁牆外繞至大門前。按翼排立。設儀仗於大門外兩旁。

梓宮連大架奉安於

蘆殿內。夫役盡出。太監然點香鐙。奉安畢。供獻果卓。遣官奠酒三爵。每奠行一叩禮。衆隨行禮舉哀。起立徹饌。衆皆散。徹儀仗。○每日早仍陳設。照常齊集。豫奉。

冊

寶安設鳳輿內。

靈駕啟行時。遣官奠酒三爵。每奠行一叩禮。衆皆隨行。禮。焚化楮錢。自八月二十日至二十四日。沿途行走。

蘆殿奉安。均如前儀。○二十四日。梓宮至太平營。

蘆殿。

宣宗成皇帝臨送視奠。王公百官等均行禮。○二十五

日早。設

冠服篚儀仗。饌筵楮幣如數。王公百官及公主福晉命

婦辨位集俟

宣宗成皇帝升御座

皇子以下内外齊集者傳哭尚茶女官獻茶尚膳女官上膳執事官進奠几讀祝官奉祭文於檻外正中跪禮部堂官二員展祭文

皇子詣奠案前跪衆隨跪止哀讀文畢内監跪奉爵

宣宗成皇帝三奠爵

皇子以下皆行三叩禮乃徹饌讀祝官奉祭文内監奉

冠服篚出。

孝穆皇后姻戚大臣於其位跪候過輿。隨行至燎所跪。衆皆跪。內務府官跪進爵。姻戚大臣祭酒三爵。每祭行一叩禮。衆隨行禮畢。止哀輿。

宣宗成皇帝乘輿還行宮。禮部內務府大臣恭奉

冊

寶奉安於鳳輿內。遣官詣

梓宮前奠酒三爵。每奠行一叩禮。衆隨行禮畢。

梓宮啟行。○是日奉移

神牌啟行。沿途宿次。工部將

簷殿改為綵棚安奉

神牌承祭執事各官俱穿蟒袍補服屆時承祭官行祇告禮讀祝三獻如奉移

神牌告祭儀禮畢禮部堂官上香退至門外行三跪九叩禮恭奉

神牌之員詣

神牌前行一跪三叩禮興恭奉

神牌由中門出奉安於鳳輿內復行一跪三叩禮退出

跪候

神輿出大門外隨行所有前引後扈以及執事各官均

換行衣。乘馬依次行走。

御仗黃蓋前導。

神輿至宿次。供奉於綵棚正中。設供案香案。陳果酒。行夕奠禮。奉

神牌官詣香案前。三上香畢。退至綵棚外。行三跪九叩禮。退。行禮時不贊。仍著行衣。隨從各官俱不隨行禮。○次日早。行朝奠禮。執事官於

神輿前。供酒三爵。奉

神牌官詣香案前。行一跪三叩禮。退。校尉昇輿。仍前列御仗黃蓋。前引後扈。如儀。

神牌鳳輿出奉

神牌官跪候過輿隨行沿途三十里以內守土官朝服  
跪迎道右至宿次綵棚前叩謁行三跪九叩禮  
在途每日行禮儀同○二十八日

梓宮至彰義村

蘆殿奉

旨遣官奠酒自是日以後每到

蘆殿時安奉

梓宮供獻果卓遣官奠酒焚化楮錢齊集行禮坐更守

衛均如儀○九月初三日

梓宮至

龍泉峪除

陵寢直班人員外所有守護之公大臣官員等俱在神  
石山牌坊外跪迎俟

梓宮至舉哀候過隨行將至

泰陵紅門先時諸王大臣官員俱下馬按翼排立奉請  
梓宮大架北嚮暫停俟遣官於道旁遙嚮

祖陵恭代行禮畢恭奉

梓宮啟行至

龍泉峪宮門外三孔橋邊

梓宮換小架時。諸王大臣豫至。三孔橋跪迎。衆隨跪候。

過興。

梓宮由中門入。奉安於

饗殿之東。陳設帳幔五。供卓牀八字。牆恭設

冊

寶於

梓宮兩旁。奉安畢。供果卓。遣官奠酒三爵。每奠行一叩。

禮衆隨行禮畢各散。○遣官告祭。

泰陵

泰東陵

昌陵並

后土

山神。○是日。

宣宗成皇帝自行宮乘輿至

龍泉峪。由中門入。降輿升

御座於

孝穆皇后梓宮前行饗奠禮。

皇子以下內外齊集。首領太監跪進爵

宣宗成皇帝三奠爵。

皇子以下皆舉哀。行三叩禮。止哀興退。

宣宗成皇帝乘輿還行宮。送燎時。將行。罩鳳輿。鞶轡等項。同楮張焚化。車放空處。任其朽爛。儀仗存留。俟奉安前一日致祭。後再行焚化。○十二月初八日。以十一日。

梓宮永遠奉安。遣官告祭。

天

地

太廟後殿

奉先殿

社稷。○初十日。行遷奠禮。儀仗全設。陳羊酒饌筵楮幣。

如數。王大臣官員並姻戚人員及在

陵之公大臣官員等在大門外排立。均穿尋常袍青褂。  
在

陵居住之公夫人大臣官員命婦婦人等在大門內西  
牆角排立。屆時遣官穿尋常袍青褂冠緞纓。由  
右門入登右階。至殿外東旁立。舉哀。衆隨舉哀。  
獻茶進膳畢。執事官進奠。兒讀祝。官奉祭文於  
楹外之東北面跪。禮部堂官跪展祭文。遣官詣  
奠案前跪。衆隨跪。止哀。讀文畢。復舉哀。內務府  
官跪進爵。遣官奠酒三爵。每奠行一叩禮。衆隨

叩止哀。徹奠几。遣官退立於右。讀祝。官恭請祭文。內監恭奉。

冠服篚由中門出。送至燎所。遣官奠酒。每奠行一叩禮。衆隨行禮。興退。其楮錠各項。暫停焚化。夫人命婦等。豫往石橋北西旁。祇俟。王以下各官。仍於原處排立。執事人等。豫徹几案各項。執事大臣率屬。祇俟。遣官詣。

梓宮前舉哀。奠酒三爵。每奠行一叩禮。衆皆舉哀。隨叩興。遣官退立於階右。執事官恭請。

梓宮由中階下。循殿東行。遣官跪候。過興。豫往牌樓門。

俟

梓宮登餞橋由中門入遣官於右旁接引登平臺暫安梓宮於

蘆殿內左右解去圍緞等項禮部堂官內務府大臣陳設

冊

寶於

梓宮兩旁所司設几筵遣官詣

梓宮前舉哀奠酒三爵每奠行一叩禮衆舉哀隨叩止

哀興禮畢遣官退衆皆退鑾儀衛大臣率執事

人等恭請儀仗至燎所一同焚化。○十一日。

梓宮奉安

地宮工部豫建

廬殿於隧道丹陛上設龍輜於

廬殿內丹陛前接造平臺支搭餞橋石牌樓門外亦搭

餞橋入

地宮隧道自丹陛至

寶牀前俱合龍輜輪轂鋪墊木板成造木軌

寶牀前亦造木牀高同龍輜工部內務府豫期慎簡工

役是日執事大臣祇率將事內外齊集行奉安

禮遣官詣

梓宮前奠酒三爵。每奠行一叩禮。焚楮錢。衆隨行禮。舉

哀畢

梓宮登龍輜。執事者奉輜由軌道入

地宮。太監執鐙前導。王大臣隨入。敬視永安於

寶牀。奉

冊

寶大臣恭奉

冊

寶陳設於左右石几上。執事者以龍輜木軌出。奉安禮

成於祭臺前行告成禮遣官奠酒三爵每奠一叩衆隨行禮舉哀禮畢遣官告祭

泰陵

泰東陵

昌陵並

后土之神

永寧山神○是日恭請

神牌安奉

饗殿行大饗禮如儀○三十年恭加上

孝穆皇后尊諡曰

孝穆溫厚莊肅端誠孚天裕聖成皇后。○咸豐三年三

月。

孝穆成皇后神牌升祔

太廟

欽定大清會典事例卷四百八十八

禮部

喪禮

孝慎成皇后大喪儀

孝慎成皇后大喪儀。道光十三年四月二十九日。

孝慎成皇后崩。奉

諭。本日申刻皇后薨逝。迴思嘉慶十三年二月奉

皇考仁宗睿皇帝恩命。作配朕躬。嘉慶二十五年奉

聖母皇太后懿旨。立為皇后。正位中宮。事朕二十六年。

柔嘉維則。孝敬無違。此宮中府中所共知者。今抱沈

疴。竟成長逝。夫此內助。痛何忍言。著派惇親王綿愷

總管內務府大臣禧恩禮部侍郎文慶工部侍郎裕誠總理喪儀其餘典禮著各該衙門察例辦理。又奏准初喪事宜。一初喪日。

皇帝摘冠纓。以白紬製服。

貴妃

妃

嬪等摘耳環首飾。成服用白布。

皇子成服。

因皇子年級是以無截髮辨禮節

皇長子福晉剪髮成服。

皇后宮內女子內監剪髮截辮成服。一內鑾儀衛設

儀駕於門外。工部設引播於

宮門之右。設九鳳帳幔於兩旁。白綾帷幔於正中。  
一親王以下。有頂戴官員以上。及三旗內務府  
官員等。均摘冠纓齊集。和碩親王福晉以下。鄉  
君奉恩將軍恭人以上。民公夫人以下。二品命  
婦以上。及三旗內務府命婦婦人等。均去首飾  
齊集。其

內庭主位等。俱在

几筵前齊集。○是日。行斂奠禮。所司陳設如儀。諸執事

咸備。

宣宗成皇帝親臨視奠。至丹陛正中降輿哭。

皇子立丹陛東。

貴妃

妃

嬪公主

皇子福晉立

几筵殿內。王公以下。文武有頂戴官員以上。及三旗內務府官員等。於門外兩旁齊集。諸王福晉公夫人以下。二品命婦鄉君奉恩將軍恭人以上。於門內兩旁齊集。三旗內務府命婦婦人等。於階

下兩旁齊集。皆傳哭。內務府大臣命婦率尚茶尚膳女官由中門入。尚茶女官跪進茶。恭奠於案。行一叩禮。

皇子以下皆北面跪叩。徹茶。尚膳女官揭巾幕。上食畢。執事官進奠几。

宣宗成皇帝詣奠位坐西嚮。內監跪進爵。三奠。皇子以下皆行三叩禮。乃徹奠。哭止。

宣宗成皇帝乘輿還宮。衆各退。嗣是朝晡日中三奠。朝晡進羹飯有饌。日中進果筵。內外齊集如儀。○又奏准治喪事宜。一服制日期。

皇帝縞素十三日而除。

宮眷等隨除服。

親臨

几筵仍素服九日內不辦事。兩月後

御門聽政。百日後常朝。

升殿鳴鐘鼓照常作樂。大朝祀典均如常禮。

皇子喪服百日。百日後易素服。詣

几筵前仍喪服。

皇子福晉同。

皇后宮女子內監等亦百日除服。一恭理喪儀王大臣。

並

殯宮守衛執事官暨

皇后姻戚。均百日除服。王以下。奉恩將軍以上。民公侯伯以下。有頂戴官員等以上。各給白布成服。罷斥及閒散宗室覺羅亦准成服。二十七日而除。一親王福晉以下。鄉君奉恩將軍恭人以上。民公侯伯以下。侍郎男夫人以上。及三旗內務府之命婦婦人等。咸成服。二十七日而除。一外藩額駙王公台吉公主福晉郡主等。於服內來京者。亦令成服。一朝鮮國人員於服內來京者。

亦令成服。不必齊集一

堂子官吏祭

神殿執事官員男婦內監

壇

廟

奉先殿官員內監

陵寢官員內監。出征官兵妻子。漢官命婦。皆停給孝服。

軍營不摘冠纓。家有出痘及父母新喪者。停給

孝服。一王公官員等。二十七日內喪服。不嫁娶。

不作樂。百日不薙髮。入朝奏事。素服冠緋纓緯。

值

御門典禮。百日内常服不挂珠。百日後挂朝珠入朝奏  
事用常服。百日以外期年以內值

升殿朝服。月朔逢五逢十補服挂朝珠如詣

几筵前仍素服摘纓。在京軍民人等七日内男摘冠纓。  
女去耳環。不嫁娶。不作樂。一扈從

皇帝侍衛人等。百日後隨往

殯宮。素服摘冠纓。逾年隨往冠緞纓。十三日内各衙  
門文移用藍印。奏疏仍用硃印。王公大臣等  
十三日内朝脯二次奠獻。齊集舉哀。十三日後

每朝奠齊集一次。二十七日後停止。遇祭仍齊集。公主福晉以下男夫人以上。三日內每日二次齊集。第四日朝奠齊集。初祭後停止。遇祭仍齊集。內務府佐領內管領下官員護軍領催之妻。三日內每日朝夕奠二次。齊集舉哀。三日後日以一旗輪流齊集。自齊集日為始。王公各於府第齊宿。部院堂司官旗下都統以下各官均於本衙門齊宿。凡二十七日奉

旨。壽康宮之總管首領。太監及隨綺春園之總管首領。太監等。均著不必穿孝。或摘纓素服。二十七日。又

奏准恭頌

敕諭於各直省。直省文武各官。於奉到

諭旨之日為始。摘冠纓。齊集公所舉哀。不辦事三日。持

服二十七日而除。二十七日內不嫁娶。不作樂。

以

大行皇后崩逝日為始。不薙髮百日。軍民人等摘纓。不

嫁娶。不作樂七日。督撫以下免其進香。遣使頒

敕諭於朝鮮。該國王率羣臣素服恭迎。止樂。使臣不受

燕饗。其外藩蒙古諸部。由理藩院派員齋往儀

與朝鮮國同。○五月初六日。

命擬

大行皇后諡號。○初七日行殿奠禮。內務府大臣命婦率內管領妻奉

冠服篚設於供牀。工部設幕於門外之東。置奠几陳燎牀於燎所。具楮幣。設祭文案於檐下。稍東內寮儀衛官校陳

儀駕。治喪儀。王大臣內務府總管率執事官陳果筵於

几筵前列饌。筵於門外左右。陳羊酒於幕內。讀祝官奉祭文。禮部堂官二員導引。由中門入。設於案出

王公百官及公主福晉命婦辨位候

宣宗成皇帝升御座

皇子以下內外齊集傳哭尚茶女官獻茶尚膳女  
官上膳執事官進奠几讀祝官恭奉祭文於楹  
外正中跪禮部堂官二員恭展祭文

皇子詣奠案前跪眾隨跪止哀讀文內監跪奉爵  
宣宗成皇帝三奠爵

皇子以下皆行三叩禮乃徹奠

皇子避立於左至以下各退避讀祝官奉祭文禮  
部堂官二員前導送至燎所首領內監接奉內

務府大臣命婦內管領妻奉

冠服篚出。

宣宗成皇帝還宮。

皇子跪候過輿。

皇子福晉隨行。齊集之命婦皆於其位跪候過輿。隨行至燎所送燎。

皇子福晉跪命婦跪進爵。

皇子福晉祭酒三爵。每祭行一拜禮。衆隨拜畢。哭止各退。○十一日奏准。

大行皇后正位中宮。

母儀天下今值崩逝四海同哀詳考古制帝后雖云體而禮統於所尊其服色日期理合折衷至當俾得有所遵循茲查禮部則例內載王公官員等二十七日後百日內均素服冠綴纓緯其素服字樣例內未經指明係何服色恐臣工等無由分別遵行現敬謹公同酌議請自親王以下至五六品京堂及

御前

乾清宮侍衛

上書房

南書房批本處奏事處軍機章京等官二十七日  
除服後至二滿月穿青長袍褂戴雨纓帽每逢  
朔望穿尋常袍青褂戴緯帽二滿月後百日內  
穿尋常袍青褂戴緯帽其餘宗室鎮國將軍以  
下世職民公以下及三旗侍衛文武職章京司  
員以下有頂戴官以上二十七日後百日內均  
穿尋常袍青褂二滿月內戴雨纓帽逢朔望戴  
緯帽二滿月後戴緯帽似此區別庶足昭禮制  
而定遵循○是日行初祭禮設

儀駕陳羊酒饌筵楮幣如數王公百官及公主福

晉命婦辨位咸俟。

宣宗成皇帝升御座。

皇子以下內外齊集者傳哭。尚茶女官獻茶。尚膳女官上膳。執事官進奠几。讀祝官恭奉祭文於檻外正中跪。禮部堂官二員。恭展祭文。

皇子詣奠案前跪。衆隨跪。止哀。讀文內監跪奉爵。宣宗成皇帝三奠爵。

皇子以下皆行三叩禮。乃徹奠。

皇子避位於左。王以下各退。讀祝官奉祭文。禮部堂官二員前導。送至燎所。首領內監接奉。內務

府大臣命婦內管領妻奉

冠服篚出。

宣宗成皇帝還宮。

皇子跪候過興。

皇子福晉隨行。齊集之命婦皆於其位跪候過興。隨行至燎所送燎。

皇子福晉跪命婦跪進爵。

皇子福晉祭酒三爵。每祭行一拜禮。衆隨拜畢。哭止各退。

宣宗成皇帝釋服。

宮眷等皆釋服。○十二日。行啟奠禮。

宣宗成皇帝親臨奠酒。

皇子福晉祭酒行禮。所有是日繹祭應用卓張羊酒楮錠等項。即於行啟奠禮時。一併陳設焚化。○又奉

旨。此次王以下有頂戴官員以上。均著百日後薙髮。期年內停止燕會音樂。軍民人等。均著一月後薙髮。百日內停止燕會音樂。○十三日。

梓宮由

長春園奉移

觀德殿。工部備大昇輦及小昇輦於門外。上駟院  
備馬四十八匹。駝包十八副。鑾儀衛設儀仗。工  
部陳

冊

寶綵亭。恭昇

梓宮人等共分二十班。每班八十人。初班末班用校尉。  
餘用民夫。均衣駕衣立俟。屆時。

宣宗成皇帝親臨。祭酒三爵。

皇子以下皆行三叩禮。興焚楮幣。

宣宗成皇帝還宮。禮部內務府大臣恭奉

冊

寶陳於綵亭。執事官校進小舉。恭奉

梓宮啟行。

皇子西面跪哭。候過隨行。

梓宮登大輦。禮部堂官奠酒三爵。每奠行一叩禮。興焚  
楮錢。綵亭及

儀駕前導。

皇子於

梓宮左步行恭送。頭目四人。穿孝擊響尺。每班管轄官  
各四員。照看行走。鑾儀衛官四員。指示進退。治

喪儀王大臣禮部工部內務府堂官及宗人府  
奏派之王貝勒等夾道隨行。包衣佐領管領下  
派婦女一百八十名。乘馬隨行。派太監十八名。  
沿途照料行走。其次豹尾槍隨行。王公百官豫  
在紅橋以南齊集俟。

梓宮至。跪迎舉哀。候過隨行。其昇引幡人等分為五班。  
每班三十二人。均穿駕衣在前昇行。內務府官  
揚撒楮錢。所過門橋。內大臣奠酒。工部官焚楮  
錢。擡擎皮箱鏡架等小儀仗。在儀仗馬前兩旁  
行走。喇嘛一百八衆。在

觀德殿大門外西旁恭迎。並豫設鷹狗於大門外。  
梓宮將至。王以下三品官以上於

觀德殿大門外齊集。四品官以下及內務府官員  
等於

景山東門外齊集。

內庭主位並

皇子福晉

皇后姻戚等豫至

觀德殿後兩旁齊集。王福晉以下一品命婦以上。  
觀德殿二門內齊集。二品夫人以下及內務府命

婦婦人等二門外齊集均俟

梓宮至。跪迎舉哀。

梓宮至

觀德殿大門外。由大昇輦登小輦。

皇子跪迎舉哀。

梓宮由中門入。

皇子隨入。王以下等官於大門外按班序立。治喪

儀王大臣率官校奉安。

梓宮於正殿。其帷幔供牀案几把蓮五供等項。照常陳設。設引幡於大門外之西。陳儀仗於大門外兩

旁。陳小儀仗於門內兩旁。設

冊

寶案於

梓宮前兩旁。由綵亭內恭奉

冊

寶設於案。

皇子詣

九筵前奠酒三爵。每奠行一叩禮。衆隨行禮畢。焚楮錢。  
引幡一同焚化。闔門哭止。衆皆退。

梓宮前每日三次供獻。設儀仗俟滿月祭後停止。遇祭

日仍陳設。每日點香。銜交與。

皇后宮首領太監辦理。○十七日恭遇。

大行皇后誕辰。

宣宗成皇帝親臨祭酒。王公百官及福晉命婦等照例齊集行禮。停止舉哀。○二十五日行大祭禮。設儀仗。陳羊酒饌筵楮幣如數。內外咸齊集。

宣宗成皇帝親臨視奠。儀與初祭同。祭文送至燎所焚化其。

冠服篚及楮錠鞦韆器物等項。節屆小暑。照例俟立秋後再行焚化。○二十六日行繹祭禮如儀。不讀。

文不齊集。○二十九日。行初滿月禮。設儀仗。陳羊酒饌筵楮幣如數。王公百官及公主福晉命婦咸齊集。

宣宗成皇帝升御座。

皇子以下內外齊集者傳哭。尚茶女官獻茶。尚膳女官上膳。執事官進奠几。內監跪奉爵。

宣宗成皇帝三奠爵。

皇子以下皆行三叩禮興。乃徹饌。○六月初一日。申初日食。申正三刻六分復圓。是日晡奠。移改於未正三刻舉行。○初二日

諭。自本月初三日為始。王公大臣官員等一體換戴緯帽。穿尋常袍青褂。○二十五日

諭。七月初一日舉行孟秋時饗

太廟典禮。例遣親王恭代。所有在

廟承祭執事之人。自宜蠲潔將事。以肅明禋。况祭時朝服樂章。一切如常。未便仍留長髮從事。現在派出承祭之定親王奕紹。及

廟中執事官員。俱著於齋戒前一日先行薙髮。用申誠敬。其陪祀各員。俱著毋庸薙髮。○又

諭。七月初一日孟秋時饗

太廟所有

後殿承祭及執事各官亦著一體薙髮。二十九日行

二。滿月禮。陳設祭物楮幣如數。齊集行禮。與初

滿月同。周年內每滿月齊集行禮仿此。七月十五日行中元

禮。設儀仗。陳羊酒饌筵楮幣如數。行禮如儀。

二十三日以

冊諡日期遣官告祭

天

地

太廟後殿

奉先殿

社稷。二十四日。

冊諡

大行皇后曰

孝慎皇后陳儀仗設

冊

寶案各一。香案一。左設祝案一。又設一案於左近檻。設

祭品。陳帛爵。點香燭。屆時。

宣宗成皇帝素服。御

太和殿

閱視

冊

寶畢。禮部堂官引正副使由東階升。詣

冊

寶案前。各行一跪三叩禮。正使奉

冊。副使奉

寶。由中階降。奉安於綵亭內。復行一跪三叩禮。

宣宗成皇帝還宮。校尉昇亭。

冊亭在前。

寶亭在後。導以黃蓋一柄。

御仗二對。禮部官前引。由中路由。正副使及承祭  
執事各官隨行。內大臣侍衛於

午門內金水橋兩旁。王以下。入八分公以上於  
協和門外序立。候

冊

寶亭至。皆跪。候過。輿隨行出

東華門。未入八分公以下。滿漢文武四品官以上  
豫集

景山東門外。候

冊

寶亭至。皆跪迎。綵亭至。

觀德殿大門外止。黃蓋。

御仗俱止。正副使及承祭執事各官並王以下四品官以上均摘冠纓。禮部堂官奉絹。

冊絹。

寶。授內官先陳於案。退。正副使詣亭前。行一跪三叩禮。  
奉香。

冊香。

寶。由中路至。

几筵殿檻內。俱設於左旁近檻案。各行一跪三叩禮。正。

副使詣香案前。正使上香。偕副使少退。宣

冊宣

寶畢。正使奉香

冊。副使奉香

寶。授內官陳設

几筵前左右案上。正副使行一跪三叩禮。興由左門退出。贊引官二員引承祭官詣階上拜位立。鴻臚寺官引王以下。入八分公以上。由大門東西旁門入。立於階下。未入八分公以下。滿漢文武四品官以上。在大門外。按翼排立。承祭官上香奠

帛讀祝三獻行禮如儀。衆隨行禮畢。內官奉絹

冊絹

寶帛匣祝版。授執事官送燎。各退。禮成。翼日。頒

詔布告天下。嗣後章奏文移俱恭書

尊諡。所有

几筵前原陳設

冊

寶。恭藏內庫。○二十六日奉

旨。著於八月初三日起。王公百官俱穿石青褂。挂朝珠。

○八月初三日。行百日禮。設

儀駕陳羊酒饌筵楮幣如數。內外齊集。

宣宗成皇帝親臨視奠。讀文時。

皇子詣奠案前跪送燎時。

皇后姻戚大臣隨行至燎所。餘儀與殷奠同。嗣後每日  
几筵前照常三次供獻。初周年後至三周年。每日午供  
餼餼卓一張。每月朔望仍三次供獻。派內管領  
妻室帶領茶膳婦人等承應。

皇后姻戚男眷分班齊集。初周年後停止。每日供獻奉  
旨酌派姻戚大臣奠酒。○九月初二日行啟奠禮。設  
儀駕陳羊酒饌筵楮幣如數。

宣宗成皇帝親臨視奠。讀文齊集。

皇子以下行禮。

皇后姻戚大臣燎所奠酒。均如儀。○初三日。奉移梓宮於田邨。屆時。

宣宗成皇帝駕臨。升御座。內監跪進爵。三奠。目送還宮。皇子以下皆行三叩禮。興焚楮幣。陳

冊

寶於綵亭內。校尉昇行。

儀駕前導。恭奉

梓宮出。登大舉禮部堂。官祭舉。焚楮錢。初班。校尉恭昇。

皇子於

梓宮左步行恭送。王以下奉恩將軍以上。內大臣侍衛  
及內務府官員於

景山東門外集候。民公侯伯以下。有頂戴官員以  
上及閒散宗室覺羅於

景山後西旁東嚮集候。

梓宮至。跪迎舉哀。候過興隨行。內務府官揚撒楮錢。所  
過門橋。內大臣奠酒。

梓宮將至田邨暫安處。王公百官於大門外排跪舉哀。  
內庭主位並

皇子福音豫赴

殯宮後左旁祇俟。

皇后姻戚及近支王福音等。豫至殿內齊集。諸王福音  
以下。二品命婦以上。及內務府命婦婦人等。豫  
至二門內齊集。均候

梓宮至。跪迎舉哀。

梓宮至暫安處大門外。登小舉。

皇子跪迎舉哀。

梓宮由中門入。

皇子隨入。王以下等官於大門外按班序立。奉安

梓宮於正殿設

冊

寶於兩旁。

皇子奠酒三爵。每奠行一叩禮。衆隨叩。焚楮錢。徹儀仗。闔門。哭止。衆各退。餘與奉移。

觀德殿儀同。○初五日。行暫安禮。設儀駕。陳羊酒饌。筵楮幣如數。衆咸齊集。

宣宗成皇帝親臨視奠。

皇子以下行禮。

皇后姻戚大臣燎所奠酒。均如儀。○二十日奉

旨。本年十月武傳臚升殿。著照例作樂。至

大祀親詣行禮之日。還宮時所有導迎樂。設而不作。自  
明年元旦後。照常作樂。○又奉

旨。八旗官員人等。前因孝慎皇后梓宮暫安觀德殿。或  
不敢舉行嫁娶。今既奉移田邨暫安處。其有未經嫁  
娶者。著照常舉行。○二十五日。朝鮮國王遣使臣詣  
几筵前進香。其祭文。豫交內閣繙譯。所進銀兩禮物例  
交內務府。光祿寺備辦祭筵羊酒。所進紬布楮  
張。交與工部打造楮錢。並豫染造鋪袱蓋袱。祭  
日陳於燎牀上。是日派祭酒大臣祭酒。王以下

文武四品官以上均素服摘纓齊集陳祭品點

朝鮮國所進香燭引朝鮮國使臣隨班行禮如

儀○二十七日行五滿月禮因二十九係齊成期內移改儀

與二滿月同○十一月初七日行冬至禮因十日

冬至係大祀齊成期內移讀文致祭陳設儀仗齊集

行禮不舉哀○又奏准王公百官以及軍民人

等所有門神對聯均於十二月二十日後照常

張挂○十二月二十五日行歲暮禮因二十九日給祭

麻移改讀文致祭設儀仗陳羊酒饌筵楮幣如

數內外齊集者皆行三叩禮送燎時

皇后姻戚大臣祭酒三爵。每祭行一叩禮。衆隨叩畢。哭止各退。其滿月禮亦移是日一併舉行。褚錠褚錢同時焚化。卓張羊酒。毋庸另備。十四年正月二十七日。行九滿月禮。因二十九日係社稷壇齋戒期內。移儀與五滿月同。二月二十七日行清明禮。因係恭祀。

先農壇齋戒期內奉

旨不入齋者。由部傳往齊集。設儀仗陳羊酒饌筵如數。恭進寶花一座。不設

冠服。不讀文。不焚化褚錠。福晉命婦等均齊集。內外傳

哭尚茶女官獻茶尚膳女官上膳內外齊集者

皆行三叩禮興乃徹奠哀止各退○三月二十

七日行十一滿月禮四二十九日係孟夏時祭  
大廟齋戒期內移

此儀與九滿月同○四月二十九日行初周年

禮設

冠服篚於供牀工部設幕於門外之東置奠几陳燎牀

於燎所具楮幣設祭文案於檐下稍東內鑿儀

衛官校陳

儀駕治喪儀王大臣內務府總管率執事官陳果

筵於

几筵前。列饌筵於門外左右。陳羊酒於幕內。讀祝官奉祭文。禮部堂官二員導引。由中門入。設於案出。王公百官及公主福晉命婦辨位咸俟。

宣宗成皇帝駕臨升御座。

皇子以下內外齊集者傳哭。尚茶。女官獻茶。尚膳女官上膳。執事官進奠几。讀祝官奉祭文於檻外。正中跪。禮部堂官二員恭展祭文。

皇子詣奠案前跪。衆隨跪止。哀讀文。內監跪奉爵。宣宗成皇帝三奠爵。

皇子以下皆行三叩禮。乃徹奠。讀祝官奉祭文。禮

部堂官二員前引。送至燎所。內監奉

冠服篚出。

皇后姻戚大臣於其位跪。候過興。隨行至燎所。跪。內務府官遞爵。

皇后姻戚大臣祭酒三爵。每祭行一叩禮。衆皆隨行禮畢。哭止各退。○自初周年次日起。所有暫安處守衛執事人員。並四時大祭前往齊集人員。俱冠緞纓緯。初周年後三周年內。每滿月致祭。設儀仗齊集之處。照例停止。遇四時大祭。仍設儀仗。齊集行禮。○十五年閏六月二十一日

諭本年應行孝穆皇后梓宮孝慎皇后梓宮奉安典禮著於八月二十日奉移孝穆皇后梓宮。八月二十八日奉移孝慎皇后梓宮。於九月初三日同至龍泉峪安奉饗殿。所有奉安典禮著改於十二月十一日舉行。○七月初二日

諭本年八月奉移孝穆皇后梓宮孝慎皇后梓宮至龍泉峪。所有在京文武各衙門堂官。除有執事各員仍照例奏請派往外。其無執事者毋庸奏派恭送。至各衙門應有執事之司員章京等。均照例派往。餘俱毋庸派送。○八月二十七日。行祖奠禮。設

冠服儀仗。陳羊酒饌筵楮幣如數。王以下入八分公以上。在大門外月臺上。按翼排立。大學士內大臣姻戚人員侍衛等。在大門外月臺下排立。公侯伯以下大臣官員。在大門外東西兩配房前排立。祇候。屆時。

宣宗成皇帝駕臨。升御座。

皇子以下內外齊集者傳哭。尚茶。女官獻茶。尚膳女官上膳。執事官進奠几。讀祝官奉祭文於檻外。正中跪。禮部堂官跪展祭文。

皇子詣奠案前跪。眾隨跪。舉哀。讀文畢復舉哀。內

監跪奉爵。

宣宗成皇帝三奠爵。

皇子以下皆行三叩禮。止哀興。徹奠几。讀祝官奉祭文。內監奉

冠服篚。由中門出。

孝慎皇后姻戚大臣跪候過。隨行至燎所。俟祭文

冠服安放畢。姻戚大臣跪。衆隨跪。姻戚大臣祭酒三爵。

每祭行一叩禮。衆隨行禮畢。止哀興。退。工部官

豫將清明所供寶花一座。請至楮堆前。屆時一

同焚化。○二十八日。奉移

梓宮儀仗全設。工部豫備一百二十八人大架於暫安處門外正中。屆時遣官奠酒三爵。每奠行一叩禮。焚化楮錢。近支王公等並姻戚大臣在大門外齊集。和碩親王以下。八八分公以上。並送往之大學士內大臣侍衛。在大門外兩旁齊集。不入八分公等。民公侯伯頭品以下。四品以上。閒散宗室。並無執事之內務府官員等。在大門外兩配房前齊集。其不送往之大臣官員閒散宗室。並內務府拜唐阿護軍等。在第二班寬廠處齊集。王福晉以下。一二品大臣命婦並姻戚女

春。俱在大門內右旁齊集。內務府佐領管領下  
官員拜唐阿護軍等之妻。在大臣命婦後齊集。  
奉移奠酒時。衆皆隨行禮。恭奉

梓宮出時。齊集之大臣官員命婦俱跪。舉哀候過。俟  
梓宮升大架。禮部堂官奠酒三爵。每奠行一叩禮。興。

梓宮啟行。其不往送之王大臣官員及內務府官員拜  
唐阿太監等俱跪。候過隨行。豫由別路先往。至  
二班處排跪。候

梓宮過各散。恭送之王大臣執事官員太監等及執豹  
尾槍人員行走節次。沿途安設

冊

寶。揚撒楮錢。門橋奠酒。均如。

孝穆皇后由寶華峪奉移儀。○沿途分為六宿。

蘆殿五宿。每日到。

蘆殿時。供獻果卓。遣官奠酒。齊集行禮。均如。

孝穆皇后奉移儀。○九月初三日。

諭。此次恭送孝穆皇后梓宮。孝慎皇后梓宮之三品以下文武各員。初三日送到後。並無執事者。著即於是日回京。其無差事之兵丁夫役人等。著原帶之員。即行帶回。王大臣及派有執事之官員等。俱著於初四

日饗奠禮畢即行回京。不必隨扈行走。○是日。  
梓宮至龍泉峪奉安於

饗殿西間。初四日。行饗奠禮。

宣宗成皇帝俱親臨視奠。所有奉移至

陵次日饗奠並

神牌供奉西配殿。一應典禮均與

孝穆皇后同。○十一月二十四日。

孝慎皇后饗殿神牌書寫婦青禮畢。遵

旨供奉於西配殿。○十二月初八日。以十一日

梓宮永遠奉安。遣官告祭

天

地

太廟後殿

奉先殿

社稷。○初十日。行遷奠禮。與

孝穆皇后同。○十一日

梓宮依次由軌道入

地宮。王大臣隨入。敬視永安於

寶牀上。陳

冊

寶於左右石几上。奉安禮成。於祭臺前奠酒。行告成禮。

遣官告祭

三陵並

后土

永寧山神。是日恭請

神牌安奉

饗殿行大饗禮。一應典禮均與

孝穆皇后同。○十六日卯初初刻行題

主禮。工部掾設供奉

神牌黃案。於

神庫正中。禮部工部堂官各一員。朝服詣

奉先殿神庫於

神牌案前行一跪三叩禮。帶領繕書清字中書一員。繕

寫漢字翰林一員。敬視書寫埽青訖。復行一跪

三叩禮。禮部堂官恭奉

神牌。安奉於

神庫正中黃案上。行一跪三叩禮。退。○是日。遣官恭詣

奉先殿行禮。前期。內務府官於

後殿寢室陳設帷幔供器如儀。工部掾設題

主黃案一於

神牌案左。安設黃緞枕褥。禮部堂官恭奉。

神牌安奉於題主案。倚供黃褥枕上。行一跪三叩禮。興

題

主之滿漢大學士二員。朝服詣

神牌案前。行三跪九叩禮。興。敬謹於滿漢

神字空處。用石青填點畢。復行三跪九叩禮。退。禮部堂

官恭奉

神牌於正中案上。行一跪三叩禮。退。屆時。

神牌升褥

奉先殿。詳見內務府升褥事例。○三十年。恭加上

孝慎皇后尊諡曰

孝慎敏肅哲順和懿熙天詒聖成皇后。